



O a ni mea e mafai ona tatou faia e mulimuli ai i le perofeta?

Sa talitonu Iosefa ma Polly Knight i le vala-
auga faaperofeta o Iosefa Samita mai lava i le amataga. Sa laua lagolago-
ina Iosefa a o ia faaliliuina papatusi auro, ma o laua o nisi na i ai faatasi ma tagata muamua na papatisoina.

Sa masani ona faale-
againa a laua meatotino, ma e toatele a laua uo na le toe i ai, ae na talitonu le au Knight i le talalelei ma tuuto atu o laua olaga e mulimuli i le perofeta ma le faatuina o le Ekalesia.

TALANOAGA

E mafai faapefea e oe ma lou aiga ona mulimuli i le perofeta soifua, e pei o le au Knight, e tusa lava pe faigata taimi?



O se Faaliga mo Iosefa Knight

I le 1829, na maua ai e Iosefa Samita se faaliga i le ala e mafai ai e Iosefa Knight ona fesoasoani i le galuega a le Atua. Na faatonuina Iosefa Knight e “saili e aumai i luma ma faatu le faamoemoe o Siona” i le lotomauualalo, alofa, faatuatua, ma le le gaoia (tagai Mataupu Faavae ma Feagaiga 12:6–8). E faapefea ona fesoasoani nei uiga ia tatou mulimuli ai i le perofeta ma fesoasoani i le galuega a le Atua?

Tuuto o le Olaga Atoa

Sa lei mamulu lava le faatuatua o le au Knight i le talalelei ma sa tutu ma le mausali i tafatafa o Iosefa Samita. O o laua soifuaga sa o se molimau i le mea na laua iloa e moni. E uiga ia Iosefa Knight, na saunoa ai le Perofeta o Iosefa Samita: “Sa faamaoni ma sa’o o ia, e le faaituau ma o se faaitaiga lelei, ma e amio mama na agalelei, e le femoumoua’i i le lima taumatau po o tauagavale Faauta, o ia o se tagata amiotonu” (*History of the Church*, 5:124).